



**Sud Bosne i Hercegovine**  
**Суд Босне и Херцеговине**

---

Broj: S1 3 IŽ 038356 20 IŽ  
Sarajevo, 23.10.2020. godine

Sud Bosne i Hercegovine u Sarajevu, u Apelacionom upravnom vijeću, sastavljenom od sudija Mirsade Džindo kao predsjednika vijeća, Zvezdane Antonović i Srete Crnjak kao članova vijeća, odlučujući o žalbi Marije Miloš, izjavljenoj na odluku Centralne izborne komisije Bosne i Hercegovine, broj: 05-1-07-1-997/20 od 01.10.2020. godine, o utvrđivanju i objavi broja birača upisanih u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine, na nejavnoj sjednici održanoj dana 23.10.2020. godine donio je

**R J E Š E N J E**

**Žalba se odbacuje.**

**O b r a z l o Ź e n j e**

Centralna izborna komisija BiH je donijela odluku broj: 05-1-07-1-998/20 od 01.10.2020.godine, kojom je odbijen upis u izvod iz Centralnog biračkog spiska za glasanje izvan BiH za Lokalne izbore 2020. godine, za ukupno 27.960 birača po prijavama podnesenim do 01.09.2020. godine s obzirom da nisu ispunjeni uslovi propisani članom 3.15 stav (1), (2) i (3) Izbornog zakona BiH.

Putem e-maila [tomomilostomica@gmail.com](mailto:tomomilostomica@gmail.com) dostavljena je žalba u ime Marije Miloš na tu odluku Centralne izborne komisije BiH u kojoj navodi da je podnijela urednu prijavu za glasanje putem pošte na obrascu PRPI kao i kopiju iskaznice, ali nije stavljena na popis birača iz njoj nepoznatog razloga. Nakon prve provjere bilo je potvrđeno da ispunjava uvjete za glasanje putem pošte, a sadašnjom provjerom stoji da je na popisu odbijenih prijava za glasanje putem pošte. Moli da se prijava ažurira i stavi na popis birača koji glasaju putem pošte kako bi mogla ostvariti svoje temeljno ljudsko pravo.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbaci kao nedopuštena ili da se ista odbije kao neosnovana..

Ispitujući ožalbenu odluku u okviru žalbenih navoda vijeće je zaključilo da žalba nije osnovana.

Prije donošenja ožalbene odluke, a prilikom razmatranja prijave Miloš Marije, dostavljene dana 31.08.2020. godine putem maila za glasanje izvan BiH na obrascu

PRP 1-Lokalni izbori 2020. godine, CIK je utvrdila je da je dostavljena nečitka Prijava za glasanje izvan BiH - Lokalni izbori 2020. godine (PRP-1). Naime, Marija Miloš se mogla putem internet stranice i info linije Centralne izbone komisije BiH informisati o statusu njene prijave za glasanje izvan BiH i na taj način nedostatak koji se ogleda u činjenici da je dostavljena nečitka Prijava za glasanje izvan BiH - Lokalni izbori 2020. godine (PRP-1) otkloniti. Ista u ostavljenom roku nije otklonila navedeni nedostatak

Odredbom člana 3.15 stav (1) Izbornog zakona BiH propisano je da državljanin BiH koji privremeno živi u inozemstvu, a koji ima biračko pravo u skladu s ovim Zakonom i upisan je u Centralni birački spisak, da bi se nalazio u izvodu iz Centralnog biračkog spiska za glasanje van Bosne i Hercegovine, dužan je da za svake izbore podnese prijavu Centralnoj izbornoj komisiji BiH. Prijava mora biti primljena prije roka koji utvrdi Centralna izborna komisija BiH u periodu nakon raspisivanja izbora. Uz ispunjenu prijavu, koju potpisuje, podnosilac prijave prilaže i dokaz o identitetu podnosioca prijave predviđen ovim Zakonom i podatke o tačnoj adresi u inostranstvu, te izjašnjenje o opciji glasanja u diplomatsko-konzularnom predstavništvu BiH ili poštom, Izrada izvoda iz Centralnog biračkog spiska za birače koji glasaju van Bosne i Hercegovine, prema odredbi člana 3.6 stav (4) Izbornog zakona BiH, vrši se na osnovu podataka koje ima Centralna izborna komisija BiH i podataka koje dostavljaju građani koji glasaju van Bosne i Hercegovine.

U konkretnom slučaju Centralna izborna komisija BiH podnositelja žalbe nije upisala u Centralni birački spisak za glasanje izvan BiH za Lokalne izbore 2020. godine, zbog nečitke Prijave za glasanje izvan BiH, jer se se nije moglo utvrditi da li ispunjava uslove da se u smislu člana 3.15 stav (6) Izbornog zakona BiH nade na izvodu iz Centralnog biračkog spiska za glasanje van BiH.

Pored navedenog, ovo apelaciono vijeće napominje da biraču Miloš Mariji ožalbenom odlukom nije oduzeto biračko pravo za Lokalne izbore 2020. godine, nego samo mogućnost da glasa putem pošte izvan BiH na ovim izborima, iz razloga navedenih u ožalbenoj odluci i ovom izjašnjenju. Birač Miloš Marija će na ovim izborima moći da glasa na redovnom biračkom mjestu u opštini u kojoj ima prijavljeno prebivalište u Bosni i Hercegovini.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita, a žalba neosnovana, pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

Predsjednik vijeća  
S u d i j a  
Mirsada Džindo